



Эсэгэ ороноо, эхэ нютагаа эб хамта мандуулая!

БУРЯАД

Бүгэдэ арадай сонин

ҮНЭН

1921 оной декабрийн 21-нээ гарана

2003
апрелин
8
Вторник
№ 48
(20710)

Хабарай
һуул
улаан
луу
һарын
6
гарагай
3

Бурятия



Хабарай амисхал

АН АМИТАД ДУЛААЕ УГТАНА



Жэрхи мэрээшэ бүлэг соо эгээл ехэ нөөсөлхэн эдээ хоолтой байдаг. Тэрэ намартаа эндэ тэндэ хадагалжа нөөсөлхэн хушын намартай амбаараа бэдэржэ, яаралтай иишэ тишээ гүйжэ, намараа суглууддаг.

Апрель һарын һүүлээр 3-5 гүлгэ үлэгшэн шоно түрэдэг. Хабарай саһанай ороходо, шонын халуун мур дахажа, түрэн газарыень бэдэрхэдэ, ангуушадта ехэ олзотой байдаг. Хабар зэрлиг амитадай гуужаха хаһань ердэг. Һалаа туруута ангууд - хандагай, буга, оро, гүрөөһэн, хүдэри гэгшэд хайлаһан саһа дахажа, хур хагда бэдэржэ, хадын үбэртэ гаража бэлшэнэд.

С. БАЛДУЕВАЙ фото-зурагууд.



Данри ХИЛГУХИИ

ХАБАР

Барас ХАЛЗАНОВ

Саһан хайлаа –
Сагын ерээ.
Харын горхон
Харьялан ургааг,
Түргэн дундаа
Түлгэн мэргэдэ,
Шүргэ доогуур
Шурган ороо,
Төөрижэ ябаһаар
«Түрлөө олоо»:
Басагад, хүбүүд
Баран сугларааг,
Хамтын хүсөөр
Хаажа, «хазаарлааг»,
Сабшалан тээшээ
Тараан урагдуулаа.
Сандаг брыгадирта
Һайсахан магтуулаа.

Халта ерэнэн һалхинай
эршээр,
Хабарай амисхал
мэдэрнэл ойроо...
Зэнхынэ огторгой тархи
дээрэм...
Заха хизааргүй далай
тойроод...

Газар тээшэ зүг баряаг,
Гүлмэрхэн сахалинуудни
гуудана.
...Нам тухайгаа энэ
хабараар
Магад, хэншьеб тэндэ
уйдана...

ТОБШО ҺОНИНУУД

ХИЛЭ ДЭЭРЭ - ШАЛГАЛТА

Зүүн урда зүгэй Азин оронуудаар атипичнэ пневмони гэжэ шэнэ, урдань мэдэгдээгүй үбшэнэй таража эхилһэн шалтагаанаар Буряад Республикын медицинын албанууд Монголой хилэ дээрэ ариг сэбэрэй ба элүүр энхэ байдалай шалгалта шангадхаба.

«Кяхта-Алтан-Булаг» ба «Монды» гэжэ уласхоорондын пунктнууд дээгүүр машинаар гараһан хүн медицинын шалгалта гарана. Энэһэнээ урагша агаарай замаар зүүн урда зүгэй Азиһаа ерэнэн пассажирнууды шалгадаг байгаа. Манай республикада энэ үбшэн үшөө элирүүлэгдээгүй.

САЛИНГАЙ ҮРИ ДЭЭШЭЛНЭ

Буряад Республикын Ажалай министрствын мэдээсэлһэнэй ёһоор, республика дотор салин хүлһэнэй үри дээшэлнэ. 180 мянган эмхи зургаанууд 2 һараһаа үлүү салин үритэй. Нэгэ һара соо үринь 34 процент ургаж, 130 миллион түхэригтэ хүрбэ.

Ехэнхи үринь (92 процент) экономикын бюджетнэ бэшэ сектортэ, илангаяа хүдөө ажаыда, барилгын, транспортна эмхи зургаануудта. Салингай үрийн гол шалтагаан - 2002 ондо салингай түргэн урһанһаа (44 процент) болоно.

АЖАЛАЙ ПЕНСИИН ДУНДА ЗЭРГЫН ХЭМЖЭЭН НЭМЭБЭ

Буряад Республикын ажалай пенсиин дунда зэргын хэмжээн һүүлэй индексацин һүүлээр 1,7 мянган түхэригтэ хүрбэ. Тиигэжэ пенсионернүүдэй амидаралай доодо захын хэмжээн 230 түхэригөөр дээшэлбэ.

233 мянган пенсионернүүдэй пенсиин мүнгэ нэмээхын тула һара соо 23 миллионһоо дээшэ мүнгэн хэрэгтэй. Бүхы дээрээ 370 миллион түхэриг болоно.

ЭЛЕКТРЫН ЭЛШЭ ХҮСЭ ҮГЭЛГЭ ХИЗААРЛАГДАБА

Республикын энергетигүүд табан томо заводуудта электрын элшэ хүсэ хизаарлаба. Тэдэнэй

«Шамда бэшэг» гэнэн гаршагтай хэмжээ ябуулга Буряад орондоннай эхилэнхэй. Хүмүүжүүлгын колонида хаалгаатай хүбүүдтэ хэншьеб бэшэг бэшэхэ арга тус хэмжээ ябуулга апрелин 10 болотор үргэлжэлхэ.

Зүүн Сибириин гүрэнэй соёлой болон искусствын академидэ хореографин кафедрин байгуулагдаһаар 30 жэлэй ойн баярай хэмжээ ябуулганууд апрелин 5-7-ной үдэрнүүдтэ үнгэргэгдэбэ. Мүнөө үедэ хатарай искусство

үри «Бурятэнергэдэ» 150 миллионһоо үлүү.

Энэ хэмжээндэ баһа муниципальна «Городские электрические сети» ороно. Энэ неделидэ хизаарлагданги элшэ хүсэнэй байдалда «Улаан-Үдын приборостроительна объединени» ба Сэлэнгын целлюлозно-картонно комбинат хүдэлхэ.

ТРАМВАЙН, ГЭР БАЙРЫН ТҮЛБЭРИ ТУХАЙ

Росси гүрэн соо тон үнэгүй трамвайнуудай нэгэн байһан аад, трамвайн түлбэри 3 түхэригөө 5 түхэригтэ болобо.

Электрын элшэ хүсэнэй сэнгэй нэмэһэнһээ боложо, трамвайн сэн нэмэбэ. Мүн хуушарһан трамвайнууды, харгы заһа-барилгада мүнгэн хэрэгтэй болоно.

Апрелин 1-һээ гэр байрын коммунальна түлбэри баһа нэмэбэ. Коммунальна хангалгын түлөө 70 процент түлэдэг байһан һаа, мүнөө 90 процент түлэхэ болонобди.

ХАБАРАЙ ҺАЙРАМАЙ УРДА ТЭЭ ШАЛГАЛТА

Буряад Республикада мүйлһэнэй хүдэлхэ үедэ гидро-техническэ барилгануудай бэлэн байлгы шалгаха түргэн хэмжээнэй (оперативна) бүлэг эмхидхэгдэбэ. Энэ бүлэг хүдөөгэй эзгүй хаалтанууды, даамбанууды, хаамал уһа соөрэмүүды, водохранилицинууды хиналта дороо абаха.

Апрелин эхинһээ энэ бүлэг Байгалда шудхадаг тон ехэ Сэлэнгэ голдо мүйлһэнэй хаагдажа болохо газарнууды шэнжэлхэ. Хэрэгтэй болоо һаань, сапёрнууд иимэ газарнууды тэһэлхэ болоно. Хабарай һайрамай уһанай хойноһоо үрэ дүнтэй шалгалта бээлүүлхын тула заһабарилгада ба уһанай хэмжүүры хинадаг 80 гаран постнууды шэнэдхэн һайжаруулгада 500 мянган түхэриг үгтэхэ байна. Мүйлһэнэй хүдэлхэгэ (ледоход) апрелин 15-һаа эхилхэ гэжэ хүлээгдэнэ.

НАРКОТИГУУДЫЕ ХЭРЭГЛЭЛГЭТЭЙ ТЭМСЭЛ

Буряад Республикын Правительство наркоманитай ба наркотигуудай хуули бусын эрьесэтэй тэмсэлдэ 20 гаран миллион түхэриг үгэбэ. Энэ программа 2005 он болотор шэглүүлэгдэнхэй.

Программын гол зорилго хадаа наркоманитай, тэрэһнээ дулдыдаһан гэмтэ ябадалтай тэмсэл аша үрэтэй болгохо. Наркотик хэрэглэдэг хүнүүды аргалха реабилитационно түб нээгдэхээр хараалагданхай. Тусгаар анхарал конопля ургадаг газарнуудта табигдаха.

1995 онһоо манай республикада наркотик хэрэглэгшэдэй тоо 3 дахин олошороо, тэдэнэй тоо 20 мянганһаа үлүү гаранхай. Жэл соо наркотик хэрэглэгшээ боложо, 2 мянган гаран гэмтэ ябадал хэгдэнэ.

ХҮДӨӨГЭЙ УЧАСТКОВО ИНСПЕКТОРНУУДТЭ 13 ХҮНГЭН МАШИНА ҮГТЭБЭ

Холын хүдөөгэй районуудай участково инспекторнүүдтэ 13 хүнгэн машина үгтэбэ. Энэ хэмжээ ябуулга республикын МВД-гэй соносоһоной ёһоор хүдөөгэй эмхи гурим сахигшадай материално-техническэ үндэһэ һуури бэхижүүлхэ зорилготой.

«Участковын жэл» гэнэн хэмжээ ябуулгаар мүн лэ участковонуудай байра байдальень, ажаһуудальень һайжаруулхаар хараалагдана. Эдэ инспекторнүүдэй үүргэ амгалан байдал, гурим сахилгада, гэмтэ ябадалтай тэмсэлдэ тон ехэ. Бүхы гэмтэ ябадалнуудай хахадын шахуу участково инспекторнүүдэй тухаламжаар элирүүлэгдэдэг. Республика соомнай 400 участково инспекторнүүд хүдэлдэг байна.

«БУРЯТИНФОРМ».

хүгжэлтын шэнэ шатада гаража байна. Юуб гэхэдэ, хатарай институт бии болгогдобо гэшэ.

Эвенк яһатанай соёлой «Арун» түбэй арбан жэлэй ойн баяр болобо. Энэ ушараар баяр ёһололой хэмжээ ябуулганууд үргэһөөр тэмдэглэгдэжэ байна.

Росси гүрэнэй Дүүмын депутат Валерий Кузин Арадай Хуралай Түрүүлэгшэ Александр Лубсановтай, БГУ-гай оюутадтай уулзаһан байна. Тэрэ Антарктида ошоһоноо хөөрөжэ үгэбэ. Бама ЯКШЕЕВ.



1942 ондо гүлмэр залуухан наһандаа дайн сэргэ гээшэ юун бэ, хариһаа халдажа ороһон дайсад-агрессорнууд ямар муу муухай амитад бэ гэжэ ойлгоо бэлэй.

1953 ондо «хүйтэн» дайнай түлэг дундаа ябажа байхада, Корейн Арадай Демократическа Республикаар арбан үдэр соо туристаар айлшалха зуураа американ сэргэшэдэй арьяатан абари зангайн мур сараануудыг ноодөөрөө хараһан хүн байлаб. Солонгос арад хоёр хуби боложо хахаршоод, хэдэн жэл соо Урда ба Хойто Корейн хоорондо эрхэтэнэй дайн болоһон юм. Урда Корейн тала барихан американ сэргүүд Хойто Корейн газар дээрэ бүтэн хото, хуурин газарнуудһаа байха нэгшье бүтэн гэр үлөөнгүй, зада намна бомбодоһон байгаа хэн. Хэдэн зуу мянган үбгэд, хүгшэд, үхибүүд американ бомбоһоо хосорооб даа!

Вьетнам арадай нэгэдэн, бээ даанхай гүрэн болон хүгжэхэ гэхэн тэмсэлдэ США-гай сэргүүд баһал оролсожо, далайн саана байһан Хойто Америкэдэ ямаршье хоро хүргөөгүй вьетнамаихидыг хэдэн жэл соо бомбодожо, алаа, хюдаа, амар заяа үзүүлдэггүй хэн. Абарга хүсэтэй Советскэ Союзгаар дэмжэгдэнэн вьетнам арадыг борьбо дээрэн хэбтүүлжэ шадаагүй бэлэй. Эрэлхэг зоригтой вьетнам арад үнэн, зүб тэмсэлдээ илалта туйлажа, ороноо нэгэдүүлээд, бата

найдамтайгаар мүнөө хүгжэжэ байдаг. Эсэргүү ямаршье ябадал хээгүй Югославие Америкын Холбоото Штадууд 1999 ондо гурбан нара соо бомбодожо, олон зоние алаһан, байра байдалынь хандаргаһаниие һанана бээт.

Мүнөө Ирак гүрэндэ США Британи хоёрой сэргүүд мартын 20-һоо сэргээр довтолжо ороо.

Ирак гүрэн США-да, Британида эсэргүү ямаршье гэмтэ ябадал хээгүй, 2001 оной сентябриин арбан нэгэнэй уршагта хара хэрэгтэ огто хабаагүй.

Нэгэдэмэл Нацинуудай Эмхин уставыг, уласхоорондын хуули гуримыг США Британи хоёр бүдүүлгээр эбдээд, ирак арада эсэргүү дай хэжэ захалаа. Хүнгүйгөөр (пилотгүйгөөр) нийдэдэг агаарай онгосонуудыг, сэргэй эгээн шэнэ технологииге туршажа үзэхэ, энэ ороной баялиг болохо 12 миллиард тонно

нефть мэдээдэ гү, ядахын сагта хиналтада абаха зорилготойгоор мүнөө США-да засаг барижа байшад; Буш болон сэргэй-промышленна комплексын бусад эзэд эзэрхэг түримхэй энэ дай, ООН-ой Аюулгүйн Соведэй саг үргэлжын гэшүүд: Росси, Франци, Хитадай Арадай Республика гурбанай - буруушааһаар байтар эхибэ.

Политическэ хэлсээнүүдыг баталхын, үгээ ойлголсохын орондо уласхоорондын харилсаануудта мухар нударга, нойтон мунса хэрэглэдэг болобо.

Сэргэй талаар булюу ехэ хүсэтэй, олиггүй баян байһандаа найдаад, бусад гүрэнүүдэй бүрин эрхыг - суверенитетыг зоргооро эбдэхэ эрхэ США болон Британида хэншье олгоогүй.

Газар дэлхэйн олон гүрэнүүдэй олонитэ США Британи хоёрой мунинха мундуу гэмтэ ябадалыг эрид шангаар буруушаана. Ирагта эсэргүү дай зогсоохо эрилтэ табина.



Ирагта эсэргүү дай зогсоохо эрилтэ табина.

Эрхэтэнэй һанамжа

ДАЙНАЙ ТҮЙМЭРЫЕ ДАРАЯ!

«Политическэ ехэ алдуу», - гээд Россин Президент В.В.Путин энэ довтолхы дай сэгшээд, дайнай ябуулануудыг дары болуулха эрилтэ табиба. Президентынгээ хэһэн энэ мэдүүлгыг тон зүб гэжэ тоолоод, бүхы россинхид ирак арада эсэргүү хэгдэжэ байһан дай болуулагтыг гээд дурадхана.

Уласхоорондын хэлсээнүүдыг эбдээд, дай түсэблэхэ, ябуулха гээшэ эб найрамдалда эсэргүү гэмтэ ябадал мүн болодог. США болон Британи, тэдэнэй союзнигууд ирак арада эсэргүүгээр эхилһэн дайгаадары болуулха зэргэтэй. Ирак арадай зөөри баялигуудыг, гэр байрануудыг бомбодожо, бутта сохижо үзүүлһэн материална гээлтэнүүдыг хүсэдөөр бусааха ёһотой.

Мүнөө Ирак гүрэнэй президент Саддам Хусейнэй хэһэн гэмтэ ябадалуудыг тоолохо болоо хаа, ехэ олоо.

Хуулига мэдээсэлээр, тодорхойлогдоһон тоогоор гүрэнэйнгөө хойто талаар ажаһуудаг таба мянган курд яһатание хороор утажа алаа. Саддамай засагта эсэргүүсэн, олон мянган коммунистууд болон бусад түрүү үзэлтэн саазалуулаа. Алаха хюдахаар айлгаад, засаг барижа байһан шуната диктатор Саддам нэн түрүүн араб оронуудай дунда, мүн бусадшыг оронуудта хүндэгүй, шоо үзэгдэдэг болонхой. Тиигэбшье хүн зоноороо хунгадһан Президент гэжэ тоологдоһоор заңдаа. Бээ даһан гүрэн ямар хүтэлбэрлигшэтэй байхаб - тэрэнэй дуран. Энэмнай уласхоорондын хуули гуримай эбдэршгүй эрилтэ юм. Ирак арад мүншье эрхэтэй.

Американ бомбонуудһаа олон зуун хүн алуулаад, шархатаад байна. Нэгэдэмэл Нацинуудай Эмхин Аюулгүйн Соведэй гэшүүд Нью-Йоркдо суглараад,



Ирагтахи байдал зүбшэн хэлсэжэ захалаа. Нэгэдэмэл Нацинуудай эмхидэ ородог бүхы гүрэнүүд дары сугларжа, ехэ хуралдаа хэжэ, Америкэ Англи хоёрой хуули буса гэмтэ ябуулыг, зоргоороо оролгыг болуулха, шанга хэмжээ абаха уялгатай.

Американ сэргүүд тушаа бэшэхэ зуураа нэгэ имэ түүхэтэ, уршаг ехэтэ, нүгэлтэ хэрэгыг хануулангүй гараха аргагүйб. Гитлертэ эсэргүү тэмсэлдэ туйлагдаһан хэлсээнэй ёһоор, милитарис Япондо эсэргүүгээр Советскэ Союзай 1945 оной сентябриин 3-да дай соносхоод, амжалтатай довтолгонуудыг хэжэ эхилээд байхада, дайнда Японой илагдахань тон эли болоо хэн.

Иимэ эрхэ байдалда Япондо эсэргүүгээр атомна зэбсэг хэрэглэгэ шухала бэшэ болоод байгаа. Тиигэбшье США-гай Президент Гарри Трумэнэй захираалтаар, американ хоёр бомбоор, 1945 оной августын эхээр Хиросима Нагасаки хоёр хото тоохон тоборог болгогдожо, гурбан зуу мянган шахуу хүн алуулаа бэлэй. Энэ муухай, нүгэл ехэтэй үйлэ хэрэгыг хүн түрэлтэн мартаха эрхэгүй.

Содном-Доржо БАДМАЕВ,
Буряад Республикын
габьяата юрист,
философин эрдэмэй
кандидат.

НОВАЯ ВОЛНА ДЕМОНСТРАЦИЙ ПРОТИВ ВОЙНЫ В ИРАКЕ

ХОРВАТИЯ

Сотни молодых людей прошли в субботу по улицам Загреба, протестуя против войны в Ираке. Акция была организована неправительственной организацией «Достаточно войн» под лозунгом «Грохотом против войны».

Колонны молодых людей двигались по улицам к одной из площадей Загреба и далее к американскому посольству под невероятный шум и грохот, создаваемый с помощью свистков, кастриоль и прочих подручных средств. Они направились к американскому посольству, перед которым развернули антивоенные плакаты и более часа производили невероятный грохот.

Здание посольства США охранялось усиленными нарядами полиции, демонстранты были окружены сотрудниками специальных подразделений Министрства внутренних дел.

«Если война продлится долго, наши протесты продолжатся. Их цель не только выражение протестов против политики американского правительства, но и борьба за другой, более справедливый мир», - заявил Дражен Шимлеша - один из организаторов манифестации. Он призвал собираться у здания американского посольства каждый день и выражать протест мирным путем.

СИРИЯ

В субботу улицы многих сирийских городов вновь стали аренами массовых демонстра-



ций протеста против американо-британской войны в Ираке. Демонстранты несли плакаты и скандировали: «Мы с тобой, братский народ Ирака!», «Позор агрессорам!», «Американцы, вы убиваете женщин и детей!» Также они сжигали флаги США и Великобритании.

ГЕРМАНИЯ

Массовые акции протеста прошли в субботу в десятках городов Германии.

В Хайделберге свыше 2 тысяч педифистов, членов профсоюзов и антивоенных гражданских союзов приняли участие в демонстрации против войны у штаб-квартиры командования сухопутных сил США в Европе. Собравшиеся потребовали прекращения боевых действий в Ираке и вывода войск коали-

ШВЕЙЦАРИЯ

В ряде швейцарских городов в субботу прошли такие же мероприятия.

В Цюрихе в уличном шествии приняли участие около тысячи человек, в основном, молодежь. В Берне около 200 манифестантов, среди которых было много живущих в Швейцарии испанцев, собрались на митинг у посольства Испании, чтобы заявить о своем несогласии с политикой правительства этой страны, поддержавшего войну. Демонстранты передали в посольство антивоенную резолюцию митинга.

В городе Эммен около 300 человек провели манифестацию перед зданием государственной корпорации по производству

вооружений «РУАГ». Они потребовали прекратить экспорт швейцарской продукции военного назначения в США и Великобританию.

ИСПАНИЯ

Необычная акция протеста состоялась в воскресенье в центре Мадрида.

На концерт под лозунгом «За международную законность и прекращение войны в Ираке», в котором приняли участие 20 самых популярных испанских артистов и ансамблей, собралось от 600 тыс. до 800 тыс. человек.

Заключительный манифест прочитал вместе с дочерью знаменитый мадридский судья-дознаватель по особо важным делам Бальтасар Гарсон. В заключение акции протеста артисты вместе со зрителями спели антивоенную песню Джона Леннона Imagine.

NEWSru.com

РОССИЯ

(БАШКИРИЯ)

В пятницу главе Центрального духовного управления мусульман (ЦДУМ) России Талгату Тажуддину прокурор Башкирии вынес предупреждение в связи с его заявлением об объявлении джихада (священной войны) США.

Пугающее слово «джихад» было произнесено на митинге протеста против войны в Ираке, состоявшемся днем раньше на Советской площади в Уфе. Организатором и инициатором

митинга выступило региональное отделение партии «Единая Россия».

«У нас есть сожаления по поводу участия верховного муфтия в нашем митинге», - заявил зампред исполкома, начальник отдела по связям с общественностью местного отделения «Единой России» Рустам Ахмадинуров. - Наш митинг был использован как трибуна для объявления позиции ЦДУМ, а это не есть наша позиция.

«Наша точка зрения противоположна. Даже если бы такие заявления были уместны, то они могли бы звучать лишь на уровне всемирных исламских организаций. Талгат Тажуддин не может высказывать мнение всех мусульман», - заявил первый зампреда исламского управления мусульман Республики Башкирия Аюп Бибарсов.

«Талгат Тажуддин должен дезавуировать свое заявление. Если он не сделает этого, мы обратимся в суд с иском о ликвидации управления. Более того, у нас есть право еще до судебного решения приостановить его работу», - заявил прокурор Башкирии.

В уфимской резиденции Тажуддина в пятницу отказывались от любых комментариев. Однако один из помощников верховного муфтия заявил, что «джихад объявлен мирный. Это значит - молиться, чтобы, например, пули американских солдат не достигали цели, чтобы потонул авианосец, чтобы Бог покарал нападающих на мирных жителей».

Известия.Ru

Апрелин 7 - Бүхэдэлхэйн элүүр энхын үдэр

ДЭЭДЭ-ОНГОСТОЙН ДУУЛИМХАНДА

Оршон тойронхи байгаали, ой модон, уһа голнуудһаа, илангаяа дэлхэйн эндэмэни Байгал далайһаамнай үнэтэй, һайханшые юумэн үгыл даа. һаяхан би Буряад оронойнгоо үзэсхэлэн гоё байгаалитай булангуудай нэгэн - Дээдэ Онгостойн эхинэй «Челночок» профилакторидо амарха золтой байгаа.

Ушарынь юуб гэхэдэ, республикын Президент Леонид Васильевич Потапов, мүн Правительство, Ажалай болон социальна хүгжэлтын министерство «Ветеранууд тухай» Федеральна Хуулине дүүргэлтэ болгон, энэ жэлэй эхинһээ бюджеттэ нэмэлтэ мүнгэ һомолоод, Улаан-Үдын нарин сэмбын мануфактурын хүтэлбэрилэгшэдтэй (ген. директор К.П.Альцман) хэлсэжэ, тус профилакторийн дэргэдэ дайнай болон ара талын ажалай ветерануудай амарха, эмшэлүүлхэ тусхай түб (ЦМСР) нээгээ юм.

Эндэ нарин сэмбын мануфактурын дарга Клавдия Павловна Альцманай үүсхээн нигүүлэсхы сэдхэлэй үйлэ хэрэгые тэмдэглэнгүй аргагүй. Гол түлэб тэрэнэй оролдолгоор, анхан хэдэн жэлэй саана эндэ «Челночок» гэжэ үхибүүдэй зүниинь амарха, бэе махабадаа хүдэржүүлхэ лагерь, мүн ажалшадайшые амарха, эмшэлүүлхэ профилактори баригдаһан байгаа.

Энэмнай жэгтэй гоё, мүнхэ ногоон нарһан, хасуури, хуша, мүн шэнэһэн, улаһан, хуһан модон соо түхээрэгдэһэн амаралтын газар. Хүнэй хүхэ далайгаагүй, нэгэшые мүшэр хухалаагүй жэбжэгэр гоёхон хүжэ ногоон модод хабарай наранай элшэдэ жэгнүүлэн, оройгоороо нэнгэдэн хүхиюутэйгээр шэбэнэдэхэдэл гэнэ. Тэдэнэй тэг дунда газар, досоогүй угалзатуулан гоёогдоһон хоёр дабхар 2 байшан, мүн столово, эмнэлгын корпус ехэл зохидоор түхээрэгдэнхэй. Зоной ябах алей, сэсэраиг, тээ хажуудань үхибүүдэй футбол, волейбол, баскетбол наадаха талмай, шунгаха бассейн. Эдэ бүгэдэ мүнөө гүнзэгы саһан доро ааб даа. Иигээд удахагүй хабарзунай зулгы сагта үхибүүдэй, шубуудай согтой хүхиюун абһан оршон тойронхыие эдэлүүлхэ бээ.

Харин мүнөө эндэ үбгэдэ, хүгшэд аажам тэниоун оршон байдалда ариун тунгалаг агаараар амилжа амарна, аргалуулна. «Челночок» нэгэ байшангыен дайнай ветеранууд болон инвалидуудта, ара талын хүдэлмэрилэгшэдтэ республиканска госпиталь арендээр абанхай. Тингэжэ байгша оной февральһаа хойшо эндэ нэгэ доро 28 хүнэй байжа эмшэлүүлхэ, элүүржэхэ түб түбхинөө юм. Иймэ богонихон болзор соо госпиталин коллектив, нарин сэмбын мануфактурын хүтэлбэрилэгшэдэй али болохо туһаламжа, дэмжэлгээр ёһотойл һайн эмнэлгэ-элүүржүүлгын түб бии болгожо шадаа гэхээр. Эндэ госпиталин ахамад врач С.В.Дроздов, тэрэнэй орлогшо В.О.Тарнуев. Илангаяа пульмонологийн таһагые даагша Л.Б.Гылькова (тэрэ үшөө шэнээр эмхидхэгдэһэн тус түбые даадаг юм), юрэдөө тэндэхи бүхы врачнууд, медсестранууд булта эхэхэн хүдэлмэри хээлдаа, хэжэшые байна.

Энээниие батадхахын тула хэдэн хүнүүдэй хэлэһэн һанамжа, дурадхалнуудые дурдаа. Эсэгэ ороноо хамгаалгын дайнай инвалид И.И.ЗАНДАНОВ:

- Ёһотойл бурханай үршөөл хайраар инмэ үргэмжэтэй һайхан газарта эмнэлгын түб нээгдээ гэхээр. Эндэ хүдэлдэг хүнүүд



Врач С.А.Потылицына
үбшэнтэниие үзэжэ байна

булта бүхы сэдхэлһээ үбшэнтэндэ энэрхы дулаанаар хандажа, үбгэдэ, хүгшэдэй түргэн эдэгэхэ, бэеын һайжархын түлөө шадалаараа оролдоно. Энэ түбэй үндэр һаһатанай аша туһада саг үргэлжэ хүдэлдэг болгоо һаа, ямар һайн бэлэйб даа.

Захаaminaй аймагай Мэлэ тосхонһоо ерэнэн, ажалай ветеран А.Б.ДАМБАЕВ:

- Бидэ Ханда Будаевна хүгшэнтээ эндэ эмнэлгын бүхы хэрэгтэй эм домой арга хүүлээбди. Врачнар, медсестранар булта урин захид хандасатай, ехэл оролдосотой зон. Байра байдалын сээр, һайн, ямаршые курортһоо дутуугүй эдэлүүлнэ. һураггүй залуу, хүнгэн болоһон шэнги бусахамнай.

Бэшүүрэй аймагай Гутай нотаһаа ерэнэн ветеран Б.Б.Бадармаев, холын Хойто-Муйска тосхонһоо ерэнэн В.И.Зеленко, Улаан-Үдэ хотын ветеран С.А.Бахлаев болон бусад баһал иимэрхүү һанамжануудые хэлэнэ.

Республикын арадай уран зохиолшо алдартай, мэдээжэ прозаик Цэрэн Галанов баяр баясхалангай халуун үгэнүүдые

нэгэн халуун банкаар массаж хэдэг А.Г.Гриф, массажист-эмнэлгын гимнастикын инструктор Т.М.Клементьева гэгшэдые мүн лэ үнэн зүрхэнһөө магтан дурдаха байна.

Саашань түбэйнгөө ажал тухай ахалагша медсестра Зоя Доржиева иигэжэ хөөрэнэ:

- Бидэ эндэ май нара болотор хүдэлхэбди. Зүниинь үхибүүд энэ лагерьта амарха юм. һүүлдэнь сентябрьһаа дахин түбөө нээжэ, үбгэдэ, хүгшэдые эмшэлхэбди. Хүн бүхэн 18 хоногто байжа, эмшэлүүлдэг. Тэрээндэнь гүрэн 7 мянган түхэриг һомолно. Бүхыдөө энэмнай горитойхон мүнгэнэй гаргаша болоо ааб даа. Байра, унталга, эдээн, эмнэлгэ түлөөһэгүй. Даб дээрэ эндэмнай



Эмнэлгын шэнэ түбэй бүлэг хүдэлмэрилэгшэд

эндэхи коллективтэ зорюулахдаа, илангаяа даагша Л.Б.Гылькова, врачнар С.А.Потылицина, Т.М.Сандановта, дежурна врачнууд Ц.Х.Ц.Цыренова, З.З.Раднаевта, тинхэдэ медсестранууд З.Д.Доржиева (ахалагша медсестра), Елена Борголова, Адиса Сыренова, Лариса Жапова, Людмила Гармаева болон бусадта һайн һайханые хүсэнэ: Өөрынгөө зүгһөө баһал тэрээнтэй хамтархынгаа хажуугаар физиокабинедтэ хүдэлдэг медсестра М.Ф.Чернышова, госпиталин эгээл үчинэй хүдэлмэрилэгшэдэй

60 гаран хүн амаржа, аргалуулжа гараа.

Тобшолон хэлэхэдэ, экономика байдалай үшөөл хүсэд һайн болоогүй, мүнгэн танганай дутамаршаг байбашые һаань, республикын Президент, Правительство, Арадай Хурал «Ветеранууд тухай» Хуулине али болохоор хүсэндэнь оруулаха, үндэр һаһатанай шуудай байдалые һайжаруулаха гэжэ арга шадалаараа оролдожо байһаниинь һайшаалтай.

М.НАМЖИЛОВ,
ажалай ветеран.

Хүндэтэ Жаргал Эрдынеев - ВСГТУ-гай IV курсын оюутан Шамайгаа түрэнэн үдэрөөрши амаршалаад, энхэ элүүрые, зол жаргал хүсэжэ, хургуулияа дүүргэжэ, инаг дураяа оложо, үндэр һаһа наһалжа, үри хүүтэдэ үргэжэ, үндэр сагаан байшантай байхыешни үнэн зүрхэнһөө үрэнэб.

Цыпелма, АФ ЗабГПУ-гай оюутан.

Согто-Хангилай дунда хургуулин XXXIV выпускын Цыцык, Балжиг, Туяна, Оюна,

Доржи, Болог (Мичик), Жаргал, Булаг, Аягма, Жаргалма - бултангатнай мэндые хүргэн, бэедэтнай энхэ элүүрые, һуралсалгатнай амжалта, зол жаргал хүсэнэб!

Дарима ДУГАРОВА,
АФ ЗабГПУ-гай 221
группын оюутан.

Гүнэйн дунда хургуули дүүргэгшэ: Цындыма Еши-жамсоева, Чимита Дугар-

МЭНДЫН ТЭМДЭГҮҮД

жапова, Аюр Алдар Батовууд, Даба Дашицыренов, Баир Цырендашиев, Сокто Багмаев, таанатмаа Агаһаа амар мэндые хүргэн, үнэн зүрхэнһөө һайн һайханые хүсэжэ, бэедэтнай энхэ элүүрые хүсэжэ, саашадаа сагаан харгытай, эжы абадаа, аха гүүнэртээ туһатай, хүн зондоо хүндэтэй ябахыетнай хүсэнэбди.

Дуран, баяр, жаргалаа Дуулажа ходоого ябаарайгты. Зулгы олон нүхэдгөөрөө Золтой, эбтэй ябаарайгты. Эзэлһэн гансаа оложо, Энээхэн наһандаа жаргаарайгты.

Бэшэг бэшэжэ байгты. Арюна Нимаева, Саяна Донгокова, Ольга Бальжинимаева.

Манай хаяг: 687000 Читинская область, п.Агинское, ул. Комсомольская, 22 АФ ЗабГПУ.

Хүндэтэ Соёлма Галсанова (БГУ-гай 2-дохи курс Углөөнэй наранай мандахада, Үетэн нүхэдгөө һанаарай! Үдэһын наранай орохого, Үнэн нүхэрөө һанаарай!

Мэндын тэмдэг эльгээгшэ Цыцыгма ДАШИДОНДОВА.

Эмхидхэн байгуулагшад - Буряад Республикын Президент, Арадай Хурал болон Правительство

Генеральна директор - ахамад редактор
А.А.АНГАРХАЕВ.
Редактор Г.Х. ДАШЕЕВА

РЕДАКЦИОННО КОЛЛЕГИ: И.М.ЕГОРОВ, И.Б.ДАГБАЕВ (Буряад Республикын Правительство), Ф.П.БОТОВЕВА, Ц.Э.ДОРЖИЕВ (Буряад Республикын Арадай Хурал), Б.М.Ж.БАЛДАНОВ (генеральна директорэй 1-дэхи орлогшо - ахамад редакторай орлогшо), Т.В.САМБЯЛОВА (секретариате хүтэлбэрилэгшэ-генеральна директорэй орлогшо), Д.Б.ГУРОДАРМАЕВА (редакторай орлогшо), Д.Д.ЭРДЫННОВА (харюусалгата секретарь); таһагуудые даагшад: Н.Д.НАМСАРАЕВ, Н.Д.БАДМАРИНЧИНОВ, Б.В.БАЛДАНОВ, А.А.ФАДЕЕВА, В.Д.ДАМДИНОВА; Б.В.ГЫНДЫНЦЫРЕНОВ.

Хэблэлэй байшанай телефонууд: генеральна директорэй-ахамад редакторай - 21-50-96, приёмнын - 21-54-54 (факс), ген. директорэй 1-дэхи орлогшо - ахамад редакторай орлогшын - 21-68-08, ахамад редакторай орлогшонорой - 21-64-36, 21-33-61, секретариатай - 21-50-52; таһагууд: экономикын болон политикын - 21-63-86; соёлой болон түүхын - 21-60-21; «Морин хуур», «Вершинь» журналуудай, «Буряад Республикын Хуулинта шиндхэбэринүүдэй суглуулбарин» редакци - 21-55-97; залуушуулай, оюутадай ажабайдалай болон олонинтын хүдэлмэринин, «Одон» журналай редакци - 21-54-93; мэдээлэлэй - 21-67-81; спортын - 21-54-93; рекламн - 21-62-62; коммерческа ажалай - 21-66-76, бухгалтерн түбэй - 21-66-76, бухгалтерн - 21-23-67.

Ий материалнууд шэжээлдэггүй, мүн авторнуудтань бусаагдадаггүй.

Тоонуудай, бодото баримтануудай, хүнэй, нотагай нэрэнүүдэй бэшэлгые хазагайруулан ушарта авторнуудын харюусалгатай. Редакцин һанамжа автарайхитай адли бэшэ байжа магад.